

Efesus 5:22-24 Pamajikan kudu ngesto ka salaki, cara ngesto ka Al Masih.

23 Sabab salaki teh anu ngapalaan pamajikan, saperti Al Masih oge jadi Kapala jamaah. Anjeunna anu ngabela jamaah teh, nya salira-Na tea. 24 Dina sagala hal pamajikan teh kudu ngesto ka salaki, cara jamaah ngesto ka Al Masih.

Efesus 5:31,33 Ceuk Kitab: “Ku sabab kitu, lalaki teh bakal ingkah ti indung bapana; terus manehna ngahiji jeung pamajikanana sarta duanana bakal ngajadi tunggal sabadan.” 33 Tapi kumaha bae oge hartina, tetep bae, salaki mah kudu nyaah ka pamajikan lir ka awak sorangan sarta pamajikan kudu ngesto ka salaki.

1 Korinta 7:3 Salaki kudu nyumponan kawajiban ka nu jadi pamajikan, pamajikan kitu keneh ka nu jadi salaki.

1 Korinta 7:34 perhatianana kabagi-bagi. Awewe anu teu kawin, kitu deui parawan, bisa laluasa ngalampahkeun pagawean pikeun Gusti; nya ngabaktikeun jiwa ragana ka Anjeunna. Ari boga salaki mah, tangtu teu kaur; lantaran repot ku urusan rumah tangga, malar kapake ku salakina.

Kolosa 3:18 Aranjeun, parawanita anu rumah tangga, masing ngesto ka salaki. Sabab eta teh, kawajiban umat Al Masih.

1 Timoteus - 1 Timoteoes 2:11-15 Wanita mah, kudu diajar lungguh ampuh andalemi; 12 kudu pantrang mamatahan atawa marentah ka lalaki, jeung kudu sareh sumerah. 13 Sabab manusa anu pangheulana dipidamel ku Allah teh, nya eta Adam; geus kitu, kakara Hawa. 14 Anu beunang ku pangwujuk Iblis nepi ka ragragna kana dosa oge, nya eta wanita, lain lalaki. 15 Papadaning kitu, wanita oge, baris disalametkeun; ku sabab maranehna geus nyorang kanyeri dina ngajuru; jaba ti eta, maranehna ge kudu pengkuh iman, boga kanyaah, jeung laku-lampahna ge kudu basajan.

1 Moesa 3:16 Ka awewe timbalanana kijeu: Kami ka maneh rek maparin kasoesah loba pisan, geus poegoeh keur maneh reuneuh; bakal ngadjoeroekeun anak-anak djeung kanjerina; sarta maneh bakal mikarep ka salaki maneh, ari eta bakal kawasa ka diri maneh.

1 Petrus - 1 Petroes 3:1,2 Istri-istri kudu ngesto ka salaki. Malakmandar, upama nu jadi salaki henteu tigin kana dawuhan Jehovah, bisa eling teu karana ucapan pangajak, 2 tapi lantaran kageuing ku laku lampah nu suci katut iman aranjeun ka Pangeran.

Titus 2:1-5 Tepikeun ku anjeun pangajaran anu sehat. 2 Nu karolot, papatahan: Kudu rintih, asak jeujeuhan, make wibawa, mulus iman, nyaahan, jeung sabar. 3 Kaum ibuna, papatahan: Kudu hirup sakumaha

pantesna nu dipikolot, ulah upatan, ulah jadi budak inuman, kudu bisa mere pituah pupurieun, 4 ngajar anu ngora sina nyaah ka salaki jeung ka anak, 5 lantip, surti, jadi ibu rumah tangga anu utama, anu ngesto ka salaki, pikeun ngajaga supaya ulah aya anu ngagorengkeun kana pangandika Jehovah.

Siloka 12:4; 14:1; 19:13; 21:9,19; 25:24; & 27:15,16

Siloka 31:10-31 Istri digdjaja, saha noe pimanggiheun? Karana pangadjina djaoeh pisan ngoengkoelan inten mirah. 11 Manah tjarogena ngandel ka eta, sarta tjarogena moal koerang oentoeng. 12 Istri kitoe ka tjaroge milampah hade, hanteu pisan goreng, saoemoer-hiroepna. 13 Los nejangan boeloe domba djeung haramaj, prak leungeunna digawe kalawan soeka. 14 Istri kitoe ibarat kapal soedagar, sok ngadatangkeun redjekina ti noe djaoeh. 15 Ari hoedangna peuting-peuting, seug mere dadaharan ka saeus-i-mahua, bari mere hantja ka landjang-landjangna. 16 Ari aja karep kana hidji lahan, ten lila geus beunang; hasil leungeunna dipake njijeun kebon anggoer. 17 Tjaugkengna disaboeckoe kabedasan, djeung leungeunna dikoewatkeun. 18 Karasa koe dirina, jen oentoeng dagangna; ti peuting damarna tara pareum. 19 Leungeunna disodorkeun kana kintjir, pek ramona njekel panggoeng. 20 Ramona diasongkeun ka noe balangsak, sarta leungeunna disodorkeun ka noe miskin. 21 Poetra djeung tjaroge koe eta teu dipake karisi hal perkara saldjee; karana saeus-i-mahna pakena doewa rangkep. 22 Sok njijeun pramedani keur dirina; papakeanana boeh katji djeung woengoe. 23 Tjarogena kaadjenan dina lawang, ana keur tjalik ngarioeng reudjeung kokolot-kokolot: nagara. 24 Istri kitoe njijeun baskat lawon katji, sarta didjoewal; djeung ka loewar saboek ka toekang balantik. 25 Kabedasan djeung kamoeljaan papakeanana; sarta mangsa pika-hareupeun koe eta dipake imoet. 26 Tijap-tijap ngangah biwirna ngabidjilkeun kapinteran, sarta dina letahna aja papakon kahemanan. 27 Saregep ngadjagana ka sagala lalampahan di djero imahna, djeung teu daekeun dahar redjeki kakedoelan. 28 Neut poetrana haroedang, bari maroedji ka iboe; kitoe deui tjarogena, bari ngalem ka eta kijeu: 29 Reja oge awewe, noe pada digdjaja lampahna; demi njai mah ngoengkoelan sadajana. 30 Ari kaloetjoean teh tjidra, djeung kageulisan teh sijasija; demi awewe noe sijeun koe Pangeran mah, nja eta noe koedoe dipoledji. 31 Berean ka dinja hasil leungeunna; sarta pagaweanana sina maroedji ka dinja dina lawang-lawang.